

ՄԻՋՆԱԳԱՐՅԱՆ ՀԱՅԱՍՏԱՆԻ ՄԱՏԱՆԻՆԵՐԸ

Պերճանքի պեղածո առարկաների խմբում իրենց ուրույն տեղն ունեն մատանիները, որոնք իրեն հարդարանքի բաղկացուցիչ տարր հայտնի են հնագույն ժամանակներից։ Ինչպես բոլոր դարդերը, այնպես էլ մատանիները մի առանձին շուք են հաղորդել տարազին, կազմելով նրա անբաժան մասը։ Մատանիները կրել են ոչ միայն կանայք, այլև տղամարդիկ։ Հայկական լեռնաշխարհում առաջին մատանիները հայտնի են ուշ բրոնզի դարաշրջանից¹։ Վաղ երկաթի դարաշրջանում դրանց թիվը ավելանում է, իսկ ուշ անտիկ դարաշրջանում՝ ստանում ամենալայն տարածումը։ Արևելյան ժողովուրդների մոտ մատանու վերաբերյալ պահպանվել է մի հետաքրքիր ավանդույթներ։ «Մատանին ամենալավ զարդըն է մատի վրա։ Հարմար է և դեղեցիկ։ Արքայազնի մատն առանց մատանու նույնն է, ինչ որ առանց անվան։ Մատանին նրա մատին նույնն է, ինչ որ դոտին մեջքին։ Իսկ վերջինս իր մեջ թաքցրած ունի մի մեծ խորհուրդ՝ բարձր իշխանություն։ Այն միաժամանակ համարվել է հոլովական հուշարձան։ Բոլոր դարդերը, որ ունեն մարդիկ, երբեմն պետք է կրել, երբեմն՝ ոչ, միայն մատանին է, որ պետք է կրել միշտ»²։ Մատանին եղել է պերճանքի առարկաներից ամենահարգին և տարածվածը։ Այդ են վկայում նրա ձևերի բազմազանությունն ու գործածությունն լայն ոլորտում։ Թագավորներն ու իշխանները, ի նշան պետական բարձր իշխանություն, կրում էին հատուկ մատանիներ։ «Եւ հանեա՛ զնոսա անտի՛ տայ զմատանի ի ձեռս Աշոտոյ և տիրեցուցանէ սեփական ժառանգութեանն հանդերձ իշխանական ճոխութեամբ»³։ Թագավորական մատանիներով էին կնքվում թագավորական հրամաններն ու հրովարտակ-

ները, համապետական նշանակություն ունեցող վավերաթղթերը, տարբեր երկրների հետ կրնալ բաժ բարեկամական, ռազմական հաշտության դաշնագրերը, համաձայնագրերը։

Թագավորներից հետո իրենց բարձրագույն իշխանությունը վկայող կնիք-մատանիներ ունեին խոշոր իշխաններն ու ֆեոդալները։ «Եւ արարեալ նամակ իշխանին Սիւնեաց Վասակայ իւրով մատանեալ՝ հրամայէր նամականի առնել և այլ ամենայն աւագ տանուտէրացն Հայոց և կնքեալ զնամականին իւրաքանչիւր ուրուք մատանեալ տայր բերել և զկնքեալ Աւետարանն ուխտին»⁴։ Այդ մատանիներով նրանք մասնակցում էին թագավորական որոշումների ու հրամանների, պայմանագրերի ու դաշնագրերի վավերացմանը և վերջապես դրանցով էին նրանք հաստատում իրենց սեփական տիրույթներում արձակած կարգադրությունները, կատարած նվիրատվությունները։ «Եւ իւրաքանչիւր մատանի կապարեալ կնքով եղեալ ի վերայ»⁵։

Մատանին խորհրդանշում էր և հոգևոր բարձր իշխանություն։ Համաձայն հայ եկեղեցական կանոնագրերի, մատանին հոգևոր դասի համար ուներ աստիճանի և պատվո նշանակություն։ Մատանի կրելու իրավունք ուներ միայն բարձր հոգևորականությունը՝ կաթողիկոսներն ու եպիսկոպոսները։ «Եւ ես Բարգէն Հայոց կաթողիկոս և ամենայն եպիսկոպոսներ, և Վարդ Մամիկոնեան, և այլոր միանգամ իշխանք, և նախարարք էար, գրեցար հայերէն և պարսկերէն և կնքեցար մերով մատանեալ»⁶։ «Եւ գրեցին կտակ յաւիտենական և կնքեցին իւրեանց մատանեալ որ ունէր օրինակ զայս. «Եւ Տէր Դաւիթ՝ շնորհօքն Աստուծոյ Սիւնեաց եպիսկոպոս»⁷։ Կաթողիկոսները, եկեղեցական կարգի

1 Ե. Լալայան, Դամրարանների պեղումները խորհրդային Հայաստանում, Երևան, 1931, էջ 32—33, 197, նկ. 151։

2 Л. Я. Борисов, В. Г. Луконин, Сасанидские геммы, Л., 1963, էջ 9—10։

3 «Թովմայի վարդապետի Արծրունույ Պատմութիւն տանն Արծրունեաց», Ս. Պետերբուրգ, 1887, էջ 445։

4 «Ղաղարայ փարպեցույ պատմութիւն Հայոց և թուղթ առ Վահան Մամիկոնեան», Թիֆլիս, 1907, էջ 121։

5 Ստեփանոս Օրբելյան, Պատմութիւն նահանգին Սիսական, Թիֆլիս, 1910, էջ 309։

6 «Գիրք Թղթոց», Թիֆլիս, 1901, էջ 47։

7 Ստ. Օրբելյան, նշմ. աշխ., էջ 205։

համաձայն, մատանին կրում էին աջ մատնե-
մատին, իսկ հայկականները՝ ճկույթին⁸։

Կնքամատանիները լինում էին թանկարժեք
մետաղներից. երբեմն՝ թանկարժեք քարերով,
հաճախ էլ առանց քարերի։ Դրանք իրենց վրա
կրում էին փորագիր զանազան պատկերներ,
դինանշաններ, հոգևոր և աշխարհիկ կյանքից
վեճոված դրվագներ, թռչուններ, բուսական զար-
դանկարներ և այլն։ Մեզ հայտնի կնիր-մատա-
նիները թվով յոթն են։ Վեցը պահվում են Հա-
յաստանի պատմության պետական թանգարա-
նում։ Մատանիներից հինգը բրոնզից են, առանց
ակնարանի ու ակնաքարի, իսկ մեկը արծաթից
է, ընդելուզված մուգ կարմիր քարով։ Բոլոր
մատանիներն էլ կրում են արարատառ գրու-
թյուն։ Յոթերորդ մատանին պատկանել է հայոց
արքա Աշոտ Երկաթ Բագրատունուն և գտնվել է
1940 թ. Հյուսիսային Կովկասում՝ Ջեյհնջուկի
տաճարում։ Ունի ակնարան, որին ագուցված է
մուգ կարմիր գույնի ամանդին, վրան արարե-
րեն երեք բառից արձանագրություն։

Աշոտ Բ Սմբատ (ընթերցվում է «Աշուտ
որդի Սմբատի») ⁹։

Մատանին ոչ միայն բարձր իշխանության
խորհրդանշ էր, այլև ամուսնության նշանակւ-
նակալան սովորույթի համաձայն, աղջիկը հա-
մարվում էր նշանված, երբ փեսացուի մայրը,
հայրը կամ ազգականներից մեկը նրան նվիրում
էր մի մատանի, երբեմն էլ՝ զինդ կամ ապա-
րանքան։ Զարդն այս դեպքում ստանում էր նաև
իրավական ֆունկցիա։ Վարանդում պահպան-
ված սովորության համաձայն, տղայի մայրը
կամ մերձավոր ազգականն աղջկա ծնողների
համաձայնությունը նախօրոք ստանալուց հետո
Ծաղկազարդի տոնին, եկեղեցում, ծաղկազարդի
ծառի վրա վառվող մոմերից վառելով մի խա-
շաձե մոմ, որի վրա հագցրած էին լինում ար-
ծաթե մի մատանի, հանում և լուսլայն տալիս
է մատանին իր ուղած աղջկա ձեռքը։ Այդ աղ-
ջիկը համարվում էր նշանված։ Հարսնացուն,
ըստ ընդունված կարգի, մատանին կրում էր աջ
ձեռքի մատնեմատին¹⁰։

Մատանիներն իրրե զարդ պատրաստվել են
տարբեր մետաղներից, տարբեր ձևերի։ Վաղ
միջնադարին հատուկ են եղել ակնարանով կամ

ակնախորշով մատանիները։ Որպես ակ կարող
էին ծառայել զանազան թանկարժեք և կիսա-
թանկարժեք քարերը, ապակին, հախճապակին
և մածուկը (պաստա)։ Արարական շրջանից
սկսած ակնարանով մատանիներն իրենց տեղն
սկսեցին զիջել առանց ակնախորշի մատանի-
ներին։ Վերջինս առավել ակնհայտ դարձավ ուշ
միջնադարում, երբ մատանիները դարձան ա-
ռանց ակնարանի և նրանցում ագուցված քարե-
րի։ Ակնախորշին փոխարինեցին փորագիր զար-
դապատկերներով հարդարված մետաղե վահա-
նակները։ Ակնարանով մատանիները դարձան սա-
կավ գործածական։ Առանց ակնարանի մատանի-
ներ, մետաղների պակասության և ընչապուրկ
խավերի պահանջները բավարարելու նպատա-
կով, սկսեցին պատրաստել ապակուց. դրանք
լծան էին և դյուրամշակ։ Մատանիներն իրրե
զարդ ավելի քան շեշտում էին այն կողմ անձի
սոցիալական պատկանելությունը։

Մատանիների գտածո նմուշները հարմար
են դրել խմբավորել ոչ թե ըստ գործածության
կերպի (արքայական, նախարարական, ամուս-
նական, օրիորդական և այլն), այլ ըստ ձևի և
նյութի. 1. Ակով և բնով, այսինքն՝ ակնախոր-
շով մատանիներ, 2. Վահանակով կամ առանց
ակնարանի մատանիներ, 3. Օղակաձև մատանի-
ներ։

Ակնարանով մատանիները թվով տասն են և
ըստ նյութի բաժանվում են. ոսկե՝ երեք հատ
(Դվին), արծաթե՝ հինգը (Դվին), բրոնզե՝ եր-
կուսը (Դվին, Գառնի)։

Ոսկե մատանիներից առաջինը (1906/244*,
բաշը՝ 2,8 գ) նորահաշակ մի զարդ է, բիշ վեր
բարձրացող օվալաձև ակնարանով, ուր տեղա-
վորված է փրուրե քարը։ Փրուրը Հայաստան
էր ներմուծվում հարևան Իրանից և տեղում
թանկ արժեքի փրուրե քարով մատանիները
Արևելքում և Հայաստանում շատ հարգի էին,
կրում էին մեծահարուստ մարդիկ։ Քարն ամուր
պահելու նպատակով բնի եզրերին տեղավոր-
ված են չորս կեռիկ-ճանկեր, որոնք ամուր գրկել
են բնում ագուցված քարը։ Մատանու՝ դեպի
բունը եկող կողերի վրա նկատելի են թեփու-
կաձև զարդեր, արված նուրբ սևադուր, տեխնի-
կական մի հնարան, որը հազվագեպ է հան-
դիպում հայ միջնադարյան ոսկերչության մեջ
(նկ. 1)։

Երկրորդ ոսկե մատանին (1794/410, բաշը՝
0,65 գ) նույն տիպի է, միայն այն տարբերու-
թյամբ, որ կողերը մտնում են ուղուցիկ, դեպի
վեր ձգվող օվալաձև բնի մեջ։ Քարն ընկած է


8 Մ. Օ ս մ ա ն յ ա ն, Ծիսական բառարան,
Անթիլիաս, 1956, էջ 158: Նույնի՝ Հայոց եկե-
ղեցիների պատմությունը, Կ. Պոլիս, 1911,
էջ 200։

9 В. А. Крачковская. Печать Багра-
тида Ашота с арабской надписью, КСИИМК,
1946, № 12, էջ 115—116։

10 «Ազգագրական հանդես», հատ. Բ, Թիֆ-
լիս, 1897, էջ 21։

* Այստեղ և հետագայում նշվում են Հա-
յաստանի պատմության թանգարանի կուլեկցիոն
համարները։


կողերի վրա նշմարվում են սևագույն արված եռատերև զարդերը: Մատանու շափերից և կշռից դատելով՝ կարող ենք պնդել, որ պատկանել է փոքր երևիսայի: Երկու մատանիներն էլ ըստ շերտի (միջնաբերդ, վերին շերտ, հոր), ուղեկցող նյութերի (հախճապակե ցանցկեն թասեր, հախճապակե թաս հուշկապարիկի պատկերով), զարդաձևի ոճի, վերաբերում են XI—XIII դդ.¹¹ (նկ. 2):



նկ. 1

րանջաններից մի քանիսը, ոսկե կողովաձև ապակե օղբ¹³: Նկարագրվող մատանին ձևով, պատրաստման հնարներով ու արվեստով սերտորեն կապվում է վերը նշված ապարանջանների հետ և կարող է թվագրվել X—XI դդ.:

Արծաթե մատանիները թվով հինգն են: Մատանիներից առաջինը (2158/194) պատկանում է կնիք մատանիների խմբին, մասամբ թերի է, պահպանված է օվալաձև բուներ: Վերջինիս ա-



նկ. 2

Ոսկերչական արվեստի տեսակներից առանձնակի հետաքրքրություն է ներկայացնում ՀՊՊ թանգարանում պահվող 2043 թվահամարի ոսկե մատանին (քաշը՝ 4,7 գ): Այն բարակ թելերից հյուսած մի օղ է, որի վրա նստած է դեպի վեր բարձրացող ուղիղ պատերով, շրջանաձև բուներ՝ հարդարված վերադիր հատիկաշարով: Վերջինս թերի է: Ակն ընկած է: Հատիկաշարի տեսանկյան հայ ոսկերչությանը հայտնի է շատ վաղ ժամանակներից: 1952 թ. Սիսիանի շրջանի Տոլորս գյուղի շրջակայքում, շինարարական աշխատանքների ժամանակ, բացվել է մի հարուստ դամբարան, որի նյութերի մեջ եղել են ոսկե մանյակի բեկորներ՝ պատրաստված ոսկեթելի ու հատիկաշարի ամենանուրբ արվեստով: Նույն եղանակով պատրաստված ոսկե մի գույզ կիսալուսնաձև ականջօղեր գտնվել են և Կարմիր-բլուրի պեղումների ժամանակ¹²: Հատիկաշարով են զարդարված Դվինից գտնված ոսկե ապա-

գուցված է ուռուցիկ, դեպի դուրս ցցված մուգ կարմիր սարդիոնե քար, որի վրա փորագրված է արաբերեն երեք բառ. «Իսահակն իբն Ազդար»: Համաձայն գրության ոճի (քուֆի, շեղատառ) և շերտագրական տվյալների (միջնաբերդ, վերին շերտ, հոր) մատանին վերաբերում է XII դարին¹⁴ (աղ. I, 1):

2325/54 թվահամարի մատանին արծաթե մի շատ գեղեցիկ զարդ է, դեպի վեր ձգվող բազմանիստ ականաբնով: Ակնաբնում տեղավորված է բաց երկնագույն փիրուզե քար: Մատանին թերի է: Ուղեկցող նյութերի օգնությամբ (բրնձանի նստուկ կանաչավուն ջնարակով՝ հատակին թռչունի գծագիր, պատկեր, մեծ սկուտեղ՝ շողուն հախճապակուց, կենտրոնում մեղալիոն՝ զարդարված զազանավազ պատկերով) մատանին թվագրվում է XI—XII դդ. (աղ. I, 2):



Նույն խմբի երրորդ մատանին (2046/128,

¹¹ Կ. Ղաֆադարյան, Դվին քաղաքի պեղումները, I, Երևան, 1952, էջ 223:


¹² Б. Б. Пиотровский, Искусство Урарту VIII—VI вв., Л., 1962, էջ 88, նկ. 53:

¹³ Կ. Ղաֆադարյան, նշվ. աշխ., էջ 176:


¹⁴ Մատանու թվագրության և գրության ոճի որոշման հարցում մեզ օգնել է Լ. Տ. Գյուլալյանը:






1



2



3



4



5



6

Աղյուսակ 1

օղի տրամագիծը՝ 25 մմ, բնի երկարությունը՝ 15 մմ, բնի պատերի բարձրությունը՝ 0,5 մմ) ունի օվալաձև բուն, որին ադուցված քարն այժմ ընկած է և տեղը լցված է ինչ-որ նյութով: Մատանին ձևով կապվում է Դվինից գտնված ոսկե մատանիներին և պատկանում է X—XI դդ. (աղ. I, 3): Չորրորդ մատանին (2121/241, չափերը՝ 22×20 մմ) ինքնատիպ մի դարդ է կլորավուն, ներս ընկած բնով: Բունը պատրաստվել է առանձին, ապա զոդվել կողերին: Այն զարդարված է վերադիր արծաթե մանր ու խոշոր հատիկներով, բնում ադուցված է սարդիոնե կարմրավուն քար: Զարդն իր ձևով, պատրաստման արվեստով ու հնարանքներով բաղդատվում է Դվինից գտնված ոսկե օձագլուխ ապարանջանների, դամբուղաձև օղի, հյուսածո մատանու հետ և վերաբերում է նույն՝ X—XI դդ. (աղ. I, 4): Այս խմբի վերջին մատանին (գտնվել է Դվինի 1970 թ. պեղումների ժամանակ) ունի ուռուցիկ նիստավոր կողեր, որոնք ավարտվում են հատած կոնի ձև ունեցող բնով: Բունն ունի քառակուսի կտրվածք, որին ադուցված է կարմիր գույնի սարդիոնե քար: Բնի երկու կողմերում դրված են մեկական ճանկ-կեռիկներ, որոնք թեքված են դեպի քարը և ամուր պահում են այն: Մատանու բունն ու կողերը սնամեջ են: Կողերի վրա պահպանված են ժամանակի ընթացքում անհետացած բուսական զարդանքների հետքեր: Մատանին իր ձևով կրկնում է վաղ միջնադարյան ակնախորշով մատանիներին: Սակայն վաղ միջնադարում ճանկ-կեռիկները չեն հանդիպում, դրանք հանդես են գալիս հետագայում և բնորոշ են ուշ միջնադարին: Նույն հնարներով են պատրաստված նաև վերոհիշյալ երկու ոսկե մատանիները, որոնց հետ և բաղդատվում է այս մատանին: Վերջինս թվագրվում է XI—XII դդ.:

Ակնաբնով բրոնզե մատանիները երկուսն են: Առաջինը գտնվել է Գառնիից (1965/48, օղի տրամագիծը՝ 16 մմ.), ունի քիչ երկարավուն օվալաձև բուն, կենտրոնում կլորավուն ակնափոսով, որի մեջ ադուցված է հասարակ կանաչավուն ապակե քար: Երկրորդ մատանին Դվինից է (2046/1282, օղի տրամագիծը՝ 17 մմ, ակնափոսի երկարությունը՝ 0,7 մմ): Մատանին թերի է, ունի կլորավուն բուն, ուր տեղադրված է եղել սրածայր փոքրիկ քար: Կողերը սնամեջ են, բնի մոտ՝ մի փոքր ուռուցիկ և ունեն տերևի ձև: Դրանք զարդարված են մանր գծադարդերով: Երկու մատանիներն էլ թևեկաձև լինելով, բայց պատրաստված են ճաշակով (աղ. I, 5):

Վահանակով կամ առանց ակնախորշի մատանիները թվով երեսունվեցն են, պատրաստված են արծաթից, լրոնգից, պղնձից և երկաթից:

15 Հանդես, № 1


Արծաթե մատանիները ներկայացված են միակ օրինակով (2121/196, օղի տրամագիծը՝ 20 մմ, կողերի լայնությունը՝ 0,5 մմ): Զարդն իր հարդարման ոճով ու ձևով եղակի է մեր հավաքածոյում: Մատանին ունի լայն տափակ կողեր, որոնք պատրաստվել են առանձին: Կողերին ամրացվել է գլխիկը շրջանաձև վահանակը: Վահանակի վրա մեծ հմտությամբ ամրացվել են հատիկի և լարի տեխնիկայով արված զնդիկները, որոնք կենտրոնում միանում են յոթերորդ զնդիկին: Մատանին իր ամբողջության մեջ թողնում է բացված ծաղկի տպավորություն: Կողերը սնամեջ են, զարդարված հինգ բարակ ժապավեններով: Ժապավեններից երրորդի դաշտը զարդարում է փորագիր և հյուսածո զարդը, իսկ երկուսը անզարդ են: Մատանին մաշված է: Նմանօրինակ մի մատանի, միայն չորս զնդիկներով հայտնի է Փայտակարանի (Օրան Կալա) պեղումներից (28/1964) 15 և վերաբերում է XI—XIII դդ. (աղ. I, 6):

Վահանակով բրոնզե մատանիները 25-ն են և բաժանվում են մի քանի ենթախմբերի.

1. Օվալաձև վահանակով մատանիները 6-ն են: Դրանցից 5-ը օգտագործվել են որպես կնքամատանիներ: Առաջինը Ամբերդի ամրոցի պեղումներից հայտնաբերված մի շատ զոդտրիկ դարդ է (2249/273, վահանակի չափերը՝ 10×0,5 մմ), մասամբ թերի: Մատանին ունի նեղ, հարթ և ուռուցիկ կողեր, որոնք ավարտվում են օվալաձև վահանակով, որի վրա մեծ հմտությամբ ու վարպետությամբ պատկերված է մի սիրամարգ: Թռչունը գլուխը նազանքով թեքել է դեպի ետ, մարմինը ձգել դեպի առաջ: Պատկերը դիտելիս զգացվում է, որ վարպետը տիրապետել է գծանկարին կենդանություն, շարժում ու տրամադրություն հաղորդելու մեծ արվեստին: Քանդակն իր ոճով կրկնում է Անիի բրոնզե սափորների, խոտակերաց ս. Նշանի Մասանց պահարանի զարդաքանդակներին և թվագրվում է XII—XIII դդ.: Հավանաբար «սովորական» կնքամատանիներից է, որոնց մասին բազմիցս տեղեկացնում են մեր պատմիչները (աղ. II, 3):

Երկրորդ կնքամատանին Անի քաղաքից է (123/1406, օղի տրամագիծը՝ 20 մմ), ունի լայն ուռուցիկ կողեր, որոնք ավարտվում են օվալաձև վահանակով: Վահանակի վրա փորագրված է արաբերեն արձանագրություն: Երրորդ մատանին Դվին քաղաքատեղիի պեղումներից է (1617/273), նույնպես օվալաձև վահանակով և արաբերեն արձանագրությամբ: Մատանին թերի է: Վերջին երկու մատանիները արձանագրու-

15 Գտնվում է Բաքվի պատմության պետական թանգարանում:



թվումների գրությունն ունի նման են Դվինից գտնված վերահիշյալ կարմիր սարգիոնն բարով կնիք-մատանու գրության ոճին և թվագրվում են XII դարով: Նույնատիպ մատանիներից չորրորդը դարձյալ Անի քաղաքի պեղումներից է (123/1408, չափերը՝ 25×20 մմ) և իր վահանակի վրա փորագրված ունի մեկ բառից արաբերեն արձանագրություն: Գրությունը պարզ է, որոշակի (աղ. II, 6): Այս վերջին երեք մատանիներն էլ «սովորական» անձնական կնք-մատանիներ են և հավանորեն պատկանել են իրավական տեսակետից միևնույն վիճակում գտնվող անձանց:

Օվալաձև վահանակով մատանիներից երկուսը դարձյալ Անիից են: Առաջինը (123/1410, չափերը՝ 23×0,2 մմ): լայն, ուռուցիկ կողերով կնիք-մատանի է. որի վահանակի վրա իրրև զարդ փորագրված են ոճավորված թռչուն, թփեր և այլն: Մատանու ձևը և զարդը պարզունակ են: Երկրորդ մատանին (123/1409, օղի տրամագիծը՝ 25 մմ) անզարդ է, գեղեցիկ իր պարզության մեջ: Երկու մատանիներն էլ (աղ. II, 2, 5) իրենց ոճով և պատրաստման հնարանքներով պատկանում են XII—XIII դդ.:

2. Շրջանաձև դուրս ցցված վահանակով մատանիները երկուսն են: Դվին քաղաքից գտնված մատանին (1905/45) կիսով չափ թերի է, ունի բարակ կողեր, որոնց վրա կենտրոնում նստած է շրջանաձև վահանակը՝ արաբերեն արձանագրությամբ: Մատանին հավանորեն գործածվել է որպես կնիք: Ըստ շերտի (միջնաբերդ, վերին շերտ, բարձրությունը 0,5 մ) և գրության ոճի (բուֆի, չոճավորված) պատկանում է XII դարին (աղ. II, 7):

Երկրորդ նմուշը (Գառնի, 1967/70, օղի տրամագիծը՝ 25 մմ, վահանակի չափերը՝ 12×10 մմ) ամբողջական է և ունի ոչ լայն կողեր, որոնց վրա նստած է բրգաձև վահանակը: Վերջինս զարդարում են յոթ շրջաններ (որոնցից վեցը՝ շուրջը, իսկ յոթերորդը՝ կենտրոնում), որոնք վահանակին տալիս են բացված ծաղկի տեսք: Մատանին իր զարդանախշով հարազատ է հալկիքական արվեստի ավանդույթներին: Նույն շրջան-զարդանախշերն են զարդարում Դսեղի Բարձրաբաշ ս. Գրիգոր եկեղեցուց գտնված բրոնզե խաչերը, Անիի պեղումներից գտնված խաչերն ու աշտանակ-մոմակալները, որոնք որոշակիորեն պատկանում են XI—XIII դդ. (աղ. II, 8):

3. Բազմանիստ կամ նիստավոր վահանակով մատանիները երկուսն են: Դրանցից մեկը գտնվել է Անիի պեղումների ժամանակ (123/1410, օղի տրամագիծը՝ 25 մմ, վահանակի նիստերի չափերը՝ 20×18 մմ) և շատ մասով մի զարդ է: Ունի լայն կողեր, որոնք

բնի մոտ կազմում են վեցանիստ վահանակ: Վահանակը զարդարում են փորագիր շրջանները (վեցը նիստի վրա, յոթերորդը՝ կենտրոնում), զարդաձևեր, որոնք, ինչպես նշեցինք, բնորոշ են XI—XIII դդ. զարդարվեստին: Մատանին իր ձևով ու զարդաոճով ունի բազմաթիվ զուգահեռներ Վրաստանում և Ադրբեյջանում¹⁶ (աղ. II, 1):

Երկրորդ մատանին Դվինից է (2121/194, օղի տրամագիծը՝ 17 մմ, կողերի լայնքը բնի մոտ՝ 0,5 մմ), ունի նեղ կողեր, որոնք բնի մոտ մի փոքր լայնանում են և կազմում վեցանիստ վահանակ, զարդարված փորագիր կետազարդերով (աղ. III, 1):

4. Քառակուսի վահանակով մատանիները երկուսն են: Այս ենթախմբի մատանիները ձևով կրկնում են դեռևս անտիկ շրջանից հայտնի, դեպի բունը աղեղնաձև նեղացող ուսերով, բարձր բնով և ակնախորշով մատանիներին¹⁷, միայն այն տարբերությամբ, որ վերջիններս ակնախորշի փոխարեն ունեն քառակուսի վահանակ, զարդարված փորագիր զարդերով:

Մատանիներից առաջինը (Դվին, 2047/81) ունի նեղ ուսեր, որոնք կենտրոնում դեպի ներս աղեղնաձև թեքվելով՝ կազմում են բարձր բունը, քառակուսի վահանակով: Վահանակը զարդարում են փորագիր կետ, շրջան-կենտրոնում՝ կետ զարդանախշերը, որոնք բնորոշ են XI—XIII դդ. կիրառական ու դեկորատիվ արվեստների համար և ունեն լայն տարածում թե՛ Հայաստանում և թե՛ Վրաստանում¹⁸ (աղ. III, 2):

Այդ խմբի երկրորդ մատանին Անիի պեղումներից է (123/1411, օղի տրամագիծը՝ 25 մմ, բնի բարձրությունը՝ 0,7 մմ) և գրեթե կրկնում է նույն ձևը: Մատանին վահանակի վրա ունի արաբերեն արձանագրություն (աղ. III, 3):

5. Գմբեթաձև կամ կոնաձև բնով մատանիները երկուսն են: Սրանք, ի տարբերություն մյուսների, վահանակ չունեն և կրկնում են բնով և ակնախորշով մատանիներին. միայն


¹⁶ Р. М. Долаберидзе, Перстни XI—XIII вв., «Вестник Гос. музея Грузии», XXVII—В, Тбилиси, 1967, аղ. II, 2, 4; Ф. А. Ибрагимов, Металлообрабатывающее ремесло в средневековых городах Азербайджана в IX—XIII вв. (автореферат), Баку, 1969, էջ 18:

¹⁷ М. Н. Порядкипанидзе, Геммы Гос. музея Грузии, т. II, Тбилиси, 1958, էջ 70, նկ. 48, էջ 76, նկ. 57, էջ 77, նկ. 58:



¹⁸ Р. М. Долаберидзе, Грузинские украшения XI—XIII вв. (автореферат), Тбилиси, 1972, էջ 12:



1




2



3




4



5



6



7

առանց ակնախորշի: Բունը ակնախորշի տեղում ձգվելով՝ վերածվում է գմբեթի կամ կոնի: Մատանիններից առաջինը (1543/777, օղի տրամագիծը՝ 17 մմ, բնի կամ կոնի բարձրությունը՝ 0,6 մմ) գմբեթաձև բնով, բնի մոտ քառակուսի, մի փոքր լայնացող կողերով գեղեցիկ զարդ է, հարդարված փորագիր ճառագայթաձև զարդանախշերով: Մատանու կողերը զարդարում են երկու կողմից արված ելուստները: Մատանին ամբողջական ձուլվածք է: Նույնատիպ մատանիներ հանդիպում են և Վրաստանի միջնադարյան հնավայրերում¹⁹, թվագրվում են XI—XIII դդ. (աղ. III, 4):

Երկրորդ մատանին (1980/141) թերի է և ունի նույն ձևը, ինչ որ առաջինը, միայն այն տարբերությամբ, որ գմբեթը մի փոքր փոփոխված է և զարդարված փորագիր գծազարդ վանդակներով: Թվագրվում է նույն դարերով, ինչ որ առաջինը (աղ. III, 5):

6. Խաչաձև վահանակով մատանիներից հայտնի է մի փոքրիկ մատանի Դվինի 1938 թ. պեղումներից (1617/239): Ունի նեղ կողեր, որոնք բնում կազմում են բառաթև երկարակող մի խաչ: Վերջինիս թևերից մեկը կեսից կտրված է: Մատանին իր ձևով եզակի է: Խաչն իր ձևով ուղղակի զուգահեռներ ունի XI—XIII դդ. թվագրվող խաչքարերի հետ (աղ. III, 7):

Բրոնզե մատանիներից վերջինը, որն առանձնանում է բոլորից, մի փոքրիկ նուրբ զարդ է (1917/100, օղի տրամագիծը՝ 10 մմ), պատրաստված բրոնզե երկու բարակ լարերից: Լարերին կենտրոնում միանում է դարձյալ բրոնզե լարից պարուրած հյուսած կլորավուն բունը՝ կենտրոնում փոքրիկ գնդիկով: Կողերը, որպեսզի իրարից չանջատվեն, բնի մոտ 2 կողմից փաթաթված են բարակ լարերով, որոնք միաժամանակ ծառայում են իրեն զարդ: Մատանին ինքնատիպ մի իր է և զուգահեռներ չունի (աղ. III, 6), կարելի է թվագրել IX—XI դդ. միայն հարակից նյութերի օգնությամբ (չողուն հախճապակե անոթի նստուկ, արաբատառ արձանագրությամբ, ապակե սրվակի բեկոր՝ ոսկեզօծ զարդանախշով):

Երկաթե մատանիները ներկայացված են վատ պահպանված օրինակներով: Երկաթե մատանիների գոյության փաստը մատնանշում է այն իրողությունը, որ մատանիները որպես զարդ լայն գործածություն ունենին: Հասարակության ունեցուրկ խավը, միջոցներ չունենալով թանկարժեք զարդերի համար, բավարարվում էր երկաթե մատանիներով: Խմբում առավել հետաքրքիրը Անիից գտնված (123/1407) մատանին

է, որը կազմված է օղից և նրան առանձին ամրացված վահանակից: Ունի լայն կողեր, որոնք միանալով կազմում են քառակուսի բունը, որում տեղադրված է բրոնզե քառակուսի վահանակը, զարդարված դրվադած առյուծապատկերով: Բազանը պատկերված է կանգնած վիճակում, խրոխտ դիրքով, պոչը թեքած դեպի մեջը, աչքերը սևեռած ինչ-որ տեղ: Մարմինը ձգված է, պատրաստ թռչքի: Զարդապատկերն իր ոճով և դինամիզմով մարմնավորում է Անիի ոսկերչական դպրոցի ավանդույթները: Մատանին կարող էր գործածվել և՛ որպես կնիք, և՛ որպես զարդ, քանի որ առյուծը հայ միջնադարյան զարդարվածություն սիրված մոտիվներից էր որպես ուժի ու գեղեցկության խորհրդանիշ (աղ. II, 4):

Օղակաձև մատանիները 10 հատ են: Հայտնի են Դվինի, Անիի, Գառնիի, Ամբերդի պեղումներից: Դրանք բրոնզից են, պղնձից և երկաթից: Ունեն ուռուցիկ, տափակ, ուռուցիկ շերտավոր կողեր, որոնք կարող են լինել իրար հագած, լրիվ կլոր, երբեմն էլ իրար չկպած, բաց ծայրերով: Այս մատանիները լայն տարածում ունեին Հայաստանում, Վրաստանում, Ադրբեջանում և կոչված էին բավարարելու չքավոր խավի պահանջները: Նշված խմբից քիչ թե շատ ուշադրության արժանի է Անիի քաղաքատեղիից գտնված բրոնզե մատանին: Զարդն առանձնանում է իր պարզությամբ ու համեստ ճաշակով: Մատանին (123/1419) ունի ուռուցիկ լայն կողեր, որոնց վրայով երեք տեղով անցնում են բարակ գծեր, կազմելով երեք առանձին ժապավեններ: Վերջիններս այն տպավորություն են թողնում, թե մատանին բաղկացած է երեք առանձին օղերից: Մնացած մյուս մատանիներն անզարդ են, խիստ մաշված և նրանց գեղարվեստական արժեքի մասին ոչինչ ասել հնարավոր չէ:

Մատանիների ձևերի ու զարդապատկերների բնութագրումը բերում է այն հետևություն, որ միջին դարերում, տակավին վաղ միջնադարից սկսած, ավանդույթի ուժով շարունակում էին գոյատևել նախորդ դարերում մշակված զարդաձևերն ու ոճական առանձնահատկությունները: Սակայն դա բոլորովին էլ չի խոսում այն մասին, թե միջին դարերում չեն ստեղծվել ոճական նոր հնարքներ ու նոր զարդաձևեր: Որոնցով գեղազարդվում էին մատանիները: Ընդ որում հետաքրքրական է այն, որ այդ զարդաձևերին հաճախ փոխարինում էին արաբական գրերը: Շատ հնարավոր է, որ վարպետն այդ նշանները օգտագործել է ոչ թե որպես գրության կամ պատկանելության նշանակ, այլ իբրև զարդաձև, ինչպես հանդիպում է խեցե-

¹⁹ Р. М. Долоберидзе, Перстни XI—XIII вв., аղ. II, 10:

ղեն նմուշների վրա, երբ դրությունը վերածվել է լոկ զարդաձևի:

Ինչպես տեսանք, մեծ թիվ են կազմում ոչ թանկարժեք մետաղներից պատրաստած մատանիները: Կարծում ենք, որ այս իրողությունը առնչվում է թանկարժեք մետաղների ձեռքից-ձեռք անցնելու, ձուլվելու-վերածուլվելու և հիշյալ դարերում նկատվող թանկարժեք մետաղների պակասի հետ, որը նկատելի էր թե՛ տնտեսության մեջ, և թե՛ դրամական շրջանառության ոլորտում²⁰: Մինչդեռ հայ և օտար վկայությունների համաձայն Հայաստանը IX—XIII դդ. եղել է ոսկերչության և արծաթագոր-

ծության զարգացած երկիր: Առևտրական ուղիները ոչ միայն Հայաստան էին բերում, այլև Հայաստանից Մերձավոր Արևելքի երկրներ, Բյուզանդիա, Սև ծովի շրջանը, Կիևյան Ռուսիա էին տանում հայ ոսկերիչների կերտած զարդերը:

Մատանու, իբրև նյութական մշակույթի հուշարձանի ուսումնասիրությունը կարող է լրացնել մեր գիտելիքները միջնադարյան Հայաստանի սոցիալական կարգի և ղեկավարական ընդունումների վերաբերյալ:

Ն. ՀԱՆՈՐՅԱՆ

ՀԱՅԱՍՏԱՆԻ XIII ԴԱՐԻ ՎԵՐՋԻ ԵՎ XIV ԴԱՐԻ ՀԱՆՃԱՊԱԿԻՆ

Հայաստանի՝ մոնղոլական տիրապետության շրջանի նյութական մշակույթը մինչև օրս հասուն է քննության նյութ չի հանդիսացել¹: Պատճառը հիմնականում այդ շրջանի հնագիտական հուշարձանների պեղումների սակավությունն է: Այնուհանդերձ, Անիից, Գառնիից, Ամբերդ ամրոցից, մասամբ Տիկնուներից (ամրոց Դվինի մոտ) հայտնաբերված նյութերի մեջ առկա են XIII—XIV դդ. նյութական մշակույթի մնացորդներ, հիմնականում ջնարակած խեցեղեն և հախճապակի, որոնց ուսումնասիրությունը տալիս է Հայաստանի հիշյալ ժամանակաշրջանի արհեստագործական արտադրանքի առանձին ճյուղերի հետաքրքիր պատկերը:

Ներկա աշխատանքում փորձ է արվում տալ վերահիշյալ հնավայրերի դրությունը վերջին շրջանի ջնարակած խեցեղենի ընդհանուր մակարդակը, դասակարգել, առանձնացնելով ներմուծած նյութերը:

Ուսումնասիրվող խեցեղենն ըստ պատրաստման եղանակների, զարդերի բազմազանության ու կիրառական հնարալորությունների կարելի է բաժանել չորս մեծ խմբերի՝ կոբալտով եկարազարդված անոթներ, բազմերանգ դունդա-

րով առարկաներ, շողուն ջնարակով զարդարուն խեցանոթներ և շքադյուսներ:

ա) Մուգ կոբալտով եկարազարդված և բափանցիկ ջնարակով պատած անոթներ.— Այս խմբի առարկաներն զգալի քանակ են կազմում և, ըստ երևույթին, ամենից շատ էին տարածված ուսումնասիրվող ժամանակաշրջանում: Անոթների վրա հանդիպող զարդերը գերազանցապես բուսական և երկրաշփական են, արված հարթ մակերեսի վրա²:

Սովորաբար երկնագույն կամ փիրուզագույն ջնարակի տակ կոբալտով արված զարդերը հանդես են գալիս ցայտուն սև երանգով: Բուսական մոտիվներով զարդարուն նմուշներից ուշագրավ են Գառնիի ամրոցի պեղումներից հայտնաբերված մի շարք բեկորներ, որոնց զարդերն ու ֆոնն արված են սև և կապույտ երանգների համադրությամբ³: Խիստ ուշագրավ է

2. Ոնթաջնարակային եկարազարդումով նման տիպի խեցեղեն արտադրվել է տակավին XII դարում և լայն գործածություն է ունեցել Մերձվոլգայում (Սարայ Բերքե), Միջին Ասիայում, Իրանում և այլուր, տե՛ս Н. Булатов, Классификация кашинной поливной керамики золотоордынских городов, СА, 1968, № 4, էջ 102: Այս տեսակի խեցեղենի երևան գալն ու լայն գործածությունը բացատրվում է արտադրական պրոցեսների համեմատական պարզությամբ, էժանությամբ և տվյալ պայմաններում ղեկավարվող արտական բարձր ճաշակով: Անվորված առարկաների ստացումով, այդ իսկ պատճառով հիշյալ տեխնիկան խեցեղեն առարկաների արտադրության մեջ առանց ընդհանուրների պահպանվեց մինչև XIV դարը:

3. Առիթից ռզմովում ենք մեր շնորհակալությունը հայտնելու պրոֆ. Բ. Առաքելյանին Գառնիի նյութերը սիրով տրամադրելու համար:

²⁰ Ե. Մուշեղյան, Դրամային շրջանառությունը Հայաստանում IX—XIV դդ., «Պատմա-բանասիրական հանդես», 1971, № 4, էջ 48:

¹ Տե՛ս Բ. Առաքելյան, Գ. Կարախանյան, Գառնի II, 1949—1956 թթ. պեղումների արդյունքները (միջին դարեր), Երևան, 1962: Н. М. Токарский, О местонахождении Даран-Дашта, ЗООЗ ԳԱ «Տեղեկագիր» (հաս. գիտ.), 1941, № 9, էջ 56. այս ուսումնասիրություններում տվյալ ժամանակների նյութական մշակույթը՝ մասնավորապես խեցեղենը տրված է ընդհանուր գծերով: